



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput IX. Orationis definitio.

[urn:nbn:de:hbz:466:1-73203](#)

mentis aliarumque perfectionum Dei; tum nostræ indigentia & infirmitatis, juxta priorem considerationem definitæ devotionis. Ex priori namque consideratione excitatur dilectio; ex posteriori, nostri ante Deum humiliatio, sicut & exclusio superbæ ac præsumptionis, quæ præcipuum est supernarum immissionum obitaculum. Utriusque necessitatem S. Thomas inculcat a. 3. sicut & Cajetanus ibidem dicens, quod nec religio, nec religiosa, nec spiritualis nomini vocari potest, qui saltem semel in die ad ejusmodi se non transvert. Quomodo namque effectus absque causa, finis absque medio, insula & portus absque navigatione haberi nequit; sic nec religio absque frequentiis actibus suarum causarum, mediorum, ac vehicularum, nec devotio absque frequenti meditatione predicatorum. Pia quippe devotionis affectiones in voluntate non excitantur absque piis considerationibus in intellectu: utpoque qui faciem præferre debeat voluntati.

Pro effectibus devotionis videri potest. S. Doctor a. 4. ubi duos assignat, spirituale utique lætitiam, ex divina bonitatis consideratione conceptam; & quamdam secundum Deum tristitiam, ex infirmitatis nostra, exiliisque à cœlesti patria meditatione procedentem.

C A P U T IX.

Orationis definitio.

- 37 **O**ratio quandoque latius, quandoque strictius accipitur. Latius, pro quocumque pio in Deum affectu, sive quacumque pia in Deum mentis elevatione, per landem, gratiarum actionem, confessionem, &c. quo sensu semper orare dicunt, qui se, suaque opera omnia pio mentis affectu, semper in Deum dirigit. Strictius accepta definitur a sancto Joanne Damasceno l. 3. de fid. c. 24. petilio decenium a Deo. A S. Basilio, homil. in Martyrem Julittam: *boni cuiuspiam petitio, qua ad Deum à piis effundatur.* Ab Augustino, seu alio Authore sermonis 73. in Append. sermon. Augustini: *ascensio anima de terrestribus ad cœlestia, inquisitio supernorum, invisibilium desiderium, conjunctio Spiritui sancto.* Enarratione vero in Psal. 37. ab ipsomet Augustino definitur, *cordis desiderium, & gemitus ad Deum directus.* De quo ibi Psalmista: *Domine ante omnem desiderium meum, & gemitus meus à ratione est absconditus, desiderium utique rerum salutarium, sive ad salutem æternam conductivum.* Unde sine dubio actus est religionis: quia per orationem homo Deo reverentiam adhibet, in quantum scilicet ei se subicit, & profuetur orando, se eo indigere, sicut Authore suorum bonorum. S. Thomas q. 83. a. 3. in corp.
- 38 Duplex est oratio, interior scilicet, sive mentalis, & exterior, sive vocalis. De mentali scriptum est Ps. 18. *Meditatio cordis mei in conspectu tuo semper.* Ps. 26. *Tibi dixit cor meum, exquisivit te facies mea.* Et Ps. 38. *In meditatione mea exar-*

deserit ignis. Consistitque non in suspensione omnis actus, neque in sola receptione, aut statu passivo, ut volunt Quietitia, nec in sola speculatione, solovè amore, sed in actibus intellectus & voluntatis, ad Dei cultum honoremque relatis, divinarum scilicet rerum, nihilique nostri atque indigentiae consideratione, Dei amore, supernarum rerum desiderio, aliisque piis affectibus.

Supremus interna orationis gradus, contemplatio est, quæ anima, supra terrenaphantasmata elevata, absque vario multiplicum cogitationum discursu, simplici intuitu Deum & divina sibi proponens, in iisque mentis aciem desigens, casto ardente amore Deum complectitur, in ipsoque unicè delectatur. Unde à S. Augustino l. 12. contra Faust. c. 42. definitur, *sancta quadam ebrieus alienata mens ab infra labentibus temporalibus, eternam lucem sapientia conuenit.*

Ad hunc gradum uno saltu ordinariè non pervenit, sed tensim per varias divinatum illustrationum præparaciones; nec ad eum pervenit per solam vulgarem mandatorum divinorum observantiam, sed per varias animæ purgationes, labores, penitentias, mortifications, insigniumque virtutum exercitationes. Neque enim ad gradum illum pervenire solent nisi purgatae animæ; qua posteaquam diuturnis penitentiæ ac mortificationis exercitiis, naturæ corruptæ perturbationes & cupiditates subegerunt, propriamque voluntatem exuerunt, tandem fide, humilitate, charitate, & infirmitatis sua agnitione penetrata, & Spiritus sancti calore succensæ, gustare incipiunt, & videre, quoniam suavis est Dominus. Dum enim in ejus amore coram se vident, ad eumque intrare volunt, nec valent, eo denique supra se lucente, attendunt in se, inventiuntque se, suamque ægritudinem illius munditiae contemplari non posse. *Flere dulce habent* (inquit Augustinus l. 4. Trinit. c. 1.) *eumque deprecari, ut etiam aquæ etiam misereatur, donec exuant totam miseriam, & precari cum fiducia, jam accepto gratuito pignore fatus;* per unicum Salvatorem homini & illuminatorem. Animam ita agentem & dolentem scientia non irflat, quia caritas adscicat. Præpsuit enim scientiam scientia, præpsuit scire infirmatatem suam, magis quam scire mundi munera, fundamenta terrarum, & fastigia calorum. Et hanc apponendo scientiam, apposuit dolorem, dolorem peregrinationis sua, ex desiderio patriæ sua, & Conditoris ejus beati Dei sui.

Nec tales animæ propterea cessant, vel cessare debent ab actibus christianarum virtutum; immo eas majori fatigunt exercere studio ac ferare. Nam, ut idem Augustinus ait l. 22. contra Faust. c. 4. *cum eò perveniret fuerit, simul habebitur in hoc seculo, non solùm speciosa intelligentia, sed etiam laboriosa justitia.* Quamlibet enim acutè sinceriterque cernatur à mortaliibus incommutabile bonum, adhuc corpus, quod corrupit, aggravat animam, & deprimit terrena

terrena inhabitatio sensum multa cogitantem.
Ad unum ergo tendendum, sed propter hoc mul-
ta ferenda sunt.

Unde iure meritissimo Innocentius XI. per
suam Constitutionem, qua incipit *Calestis Pa-*
stor anno 1687. sequentes damnavit Quietista-
rum propositiones. 1. Oportet hominem suas po-
tentias annibilare. Et haec est via interna. 2.
Folle operari activè, est Deum offendere, qui
vult esse ipse solus agent. Et ideo opus est seip-
suum in Deum totum & totaliter derelinquere,
& postea permanere velut corpus exanime. 3.
Vota de aliquo faciendo, sunt perfectionis impe-
diuina. 4. Activitas naturalis est gratia inimica,
impeditque Dei operationes, & veram perfectio-
nem: quia Deus operari vult in nobis. 5. Nihil
operando, anima se annibilat, & ad suum prin-
cipium reddit, & ad suam originem, quia est ef-
fentia Dei, in qua transformata remaneat, ac
divinizata, & Deus tunc in seipso remanet:
quia tunc non sunt amplius due res unita, sed
una tantum. Et hac ratione Deus vivit, & re-
gnat in nobis, & anima seipsum annibilat in
esse operativo. 7. Non debet anima cogitare, nec
de premio, nec de punitione, nec de paradiſo,
nec de inferno, nec de morte, nec de aternita-
te. 12. Qui suam liberum arbitriam Deo dona-
vit, de nulla re debet curam habere, nec de
inferno, nec de paradiſo; nec debet desiderium
habere propria perfectionis, nec virtutum, nec
proprii sanctitatis, nec propria salutis, cuius
spem purgare debet. 14. Qui divina voluntati
reſignatus est, non convenit, ut à Deo rem ali-
quam petat: quia petere est imperfectio, cum sit
actus propria voluntatis, & electionis, & est
velle quod divina voluntas nostra conformetur,
& non quod nostra divina. Et illud Evangelii:
, Petite & accipietis: non est dictum à Christo
pro animabus internis, que nolunt habere vo-
luntatem. Imò hujusmodi anima eō pervenient,
ut non possint à Deo rem aliquam petere. 15. Si-
eū non debent à Deo rem aliquam petere, naneō
illi ob rem aliquam gratias agere debent: quia
turumque est actus propria voluntatis. 17. Tra-
dito Deo libero arbitrio, & eidem relictā cu-
rā, & cognitione anima nostra, non est amplius
habenda ratio tentationum, nec eis alia resiliē-
tia fieri debet, nisi negativa, nullā adhibita
industria; &, si natura commovetur, oportet
sinere ut commoveatur: quia est natura. 35.
non convenit animabus huius via interna, quod
faciant operationes, etiam virtuosas, ex propria
electione & activitate. Alias non essent mortua.
Nec debent elicere actus amoris erga B. Virginem,
Sanc̄tos, aut Humanitatem Christi: quia
cum ista objecta sensibilia sint, talis est amor erga illa. 38. Crux voluntaria mortificationum,
pondus grave est, & infructuosum, ideoque di-
mittenda. 39. Sanctiora opera, & penitentia,
quas peregerunt Sanc̄ti, non sufficiunt ad remo-
vendam ab anima vel unicam adhesionem. Omī-
to alias non paucas ejusdem farinæ, quas lau-
datus Pontifex Vaticani fulmine percussit, ve-
luit hereticas, suspectas, erroneous, scandalos-

as, blasphemas, piarum aurium offensivas,

temerarias, christiane disciplina relaxativas,

& everervas respellive.

Aliena profectio sunt ab ipsomet sanctæ con- 43
templationis otio; in eo namque ab omni a-
ctione suspensa non est anima, utpote Deum
cognoscens, amans, adorans, & coram in-
finita Majestate ipsius in suopius cognitione
vilescens; quod non fit absque frequentissimis
actibus cognitionis, amoris, adorationis, hu-
militatis, &c. ut nec absque aliis actibus,
quos Author libri de interiori domo comme-
morat apud S. Bernardum, dicens, quod ad
sanctæ contemplationis apicem pervenitur po-
ritus intimæ compunctione, quam profundâ in-
vestigatione; suspirii, quam argumentis; crebris
lamentationibus, quam copiosis argumentationi-
bus; lachrymis, quam sententiis; oratione, quam
lectiōnē; gratiâ lachrymarum, quam scientiâ
litterarum.

De oratione vocali Apostolus loquitur Hebr. 44
13, cùm dicit: Per ipsum offeramus hostiam lan-
dis Deo; id est fructum labiorum conscientium
nomini ejus. Et Apostolus ipsos Christus ver-
bis orare docuit; non quod verba necessaria
sunt ad indigentiam nostram Deo aperiendam;
sed ob triplicem rationem. 1°. ad excitandam
per signa exteriora interiorem in nobis devo-
tionem. 2°. ut homo Deo serviat secundum
totum quod ex Deo habet, intentem scilicet
& corpus. 3°. ut fervens animi affectus per
exteriora signa innescat, juxta illud Augu-
stini epist. 130. alias 121. In ipsa fide, spe &
charitate continuato desiderio semper oramus;
sed ideo per certa intervalla horarum, & tem-
porum etiam verbis rogamus Deum, ut illis re-
rum signis nosipso admoneamus, quanumque
in hoc desiderio profecerimus nobismeipssis
innescamus, & ad hoc augendum nosipso acris
excitemus. Dignior enim sequitur effectus, quem
ferventior precedit effectus.

C A P U T X.

Orationis necessitas.

Rationis nedum utilitatem, sed & necel- 45
litatem Salvator inculcat Matth. 6. cùm
dicit: Petite, & accipietis. Et cap. 27. Vigila-
te & orate, ut non intreris in temptationem. Et
Luc. 18. Oportet semper orare, & non desice-
re. Unde & Apofolus Thessal. 5. Sine inter-
missione orate. Et 1. Timoth. 2. Volo viros ora-
re in omni loco... similiter & mulieres, &c.
Et beatus Papa Zosimus, atque ex ipso & post
ipsum Calestinus in epist. ad Galliarum Epis-
copos: Quod ergo tempus intervenit (inquit)
quo ejus (divino) non egearimus auxilio? In
omnibus igitur artibus, causisque, cogitationi-
bus, motibus, adiutor & protector orandus est.
Superbum est enim, ut quidquam sibi humana
natura presumat, clamante Apofolo: "Non
est nobis colluctatio adversus carnem & san-
guinem, sed contra principes & potestates aé-
ris hujus, contra spiritualia nequicia in cele-
stibus."

Tom. II.